



Vår dato:

23.12.2019

Vår ref:

2019/21369

Dykkar dato:

11.11.2019

Dykkar ref:

19/328

Fedje kommune
Adm.bygg
5947 FEDJE

Saksbehandlar, innvalstelefon

Kristin Skogli, 5764 3174

Fylkesmannen i Vestland si fråsegn til Fedje kommune sitt planprogram for kommunedelplan for helse og omsorg

Innleiing

Fedje sin kommunedelplan for helse og omsorg framstår oversikteleg. Den byggjer på kommunen sitt *Folkehelseoversyn 2017-2020* og nasjonale styringssignal og -dokument. Planprogrammet trekker fram viktige område for arbeidet.

Prioritering

Kunnskap om status og korleis å skape ønska endring er grunnlaget for å drive systematisk og kunnskapsbasert styring av tenestene. I planprogrammet sitt kapittel 3 d står det at det skal utarbeidast delplanar for 12 ulike kommunale helse- og omsorgstenester. Dette vil krevje mykje tid og ressursar, og fylkesmannen lurar på om kommunen har vurdert andre måtar å løyse planbehovet på. Ein aktiv bruk av handlingsdelen er viktig for å sikre samanhengen mellom plan og praksis.

"Kommunedelplaner for temaer eller virksomhetsområder skal ha en handlingsdel som angir hvordan planen skal følges opp de fire påfølgende år eller mer. Handlingsdelen skal revideres årlig".
<https://lovdata.no/lov/2008-06-27-71/§11-2>

Planprogrammet kapittel 4 skildrar mål for planarbeidet. Det er positivt at det er avgrensa kva område kommunen vil prioritere, men vi spør om planprogrammet sine mål i kapittel 4 legg opp til eit for avgrensa tenestefokus. Vi etterlyser mål knytt til breiare kommunalt tverrfagleg samarbeid og helse- og omsorgstenestene sitt samarbeid med sivilsamfunn og frivillige organisasjonar.

Medverknad

Vi saknar ei betre utgreiing av korleis kommunen har tenkt å inkludere befolkninga i prosessen med å lage ein helse- og omsorgsplan.

"Planprogrammet skal gjøre rede for formålet med planarbeidet, planprosessen med frister og deltakere, opplegget for medvirkning, spesielt i forhold til grupper som antas å bli særlig berørt..."
<https://lovdata.no/lov/2008-06-27-71/§4-1>



Opplegget for medverknad må sikre at det er lagt til rette for og inkluderer menneske med funksjonsnedsetting, språklege og religiøse minoritetar, pårørande og eldre. Det er også viktig at kommunen får med seg andre tenesteområde og ikkje berre helse- og omsorgstenestene. Det er ulike aktørar i eit lokalsamfunn som bidreg med førebygging, fysisk aktivitet og sosialt fellesskap for innbyggjarar og brukarar av helse- og omsorgstenestene.

Planprogrammet bør konkret vise korleis det blir lagt til rette for at ulike deler av lokalsamfunnet kan inkluderast og medverke i planarbeidet. Vi meiner at kapittel 5 i planprogrammet manglar skildring av metodar og ein meir konkret plan for medverknad, gjerne med tidslinje og aktivitetar.

Helse- og omsorgsplan som ein del av eit heilskapleg kommunalt planarbeid

Planprogrammet bør vise korleis helse - og omsorgsplanen vi bidra til kommunens arbeid med aldersvenleg planlegging og universell utforming. *Folkehelseoversyn 2017- 2020* nemner både bustad og universell utforming, men er ikkje så klar på kva utfordringar lokalsamfunnet har knytt til dette. Helse- og omsorgstenestene sit med viktig praktisk kunnskap om behov hjå ulike grupper eldre, og det er viktig at denne kunnskapen vert formidla til planleggarar og leiarar i kommunen.

Leve heile livet

Regjeringa si kvalitetsreform for eldre viser behovet for ei heilskapleg samfunnsplanlegging som ligg til rette for at eldre skal leve frie og uavhengige liv så lenge som mogeleg. Helse- og omsorgstenestene har ei viktig rolle i kommunens systematiske innsats for aldersvenleg samfunnsplanlegging. Ressursportal.no er ei eiga nettside for analyse og planlegging for eit meir aldersvenleg Norge.

Lukke til med det vidare arbeidet.

Med helsing

Helga Arianson
fylkeslege

Kristin Skogli
seniorrådgjevar

Dokumentet er elektronisk godkjent